

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ССЖ ИИВ ҲАЙЪАТИ НАШРИ

Тасвир

№ 106 (2370)

1991 ЙИЛ 3 СЕНТЯБРЬ

СЕШАНБА

БАҲОСИ 10 ТИЙИН

АХБОРОТ

УН ИККИНЧИ ЧАҚИРИҚ ЎЗБЕКИСТОН ОЛИЙ КЕНГАШНИНГ НАВБАТДАН ТАШҚАРИ ОЛТИНЧИ СЕССИЯСИ

31 август куни Тошкентда республика Олий Кенгаши-
нинг навбатдан ташқари сессияси бўлиб ўтди.

Сессияни Олий Кенгаш Раиси Ш. М. Йўлдошев очди.

Депутатлар сессиянинг кун тартибини тасдиқладилар.
Унга қуйидаги масалалар киритилди:

— Ўзбекистон республикасининг давлат мустақиллиги
тўғрисида;

— Ўзбекистон республикасининг давлат байроғи тў-
ғрисида;

— Республика Президенти фармонларини ва Олий
Кенгаш Раёсатининг баъзи ҳужжатларини тасдиқлаш
тўғрисида.

Ўзбекистон республикасининг давлат мустақиллиги
тўғрисида Ўзбекистон ССР Президенти И. А. Каримов
маъруза қилди.

Маърузани муҳокама қилишда халқ депутатлари С. Д.
Сайдалиев, А. Орипов, С. Мадаминов (Муҳаммад Солиҳ),

А. П. Хлебушкина, И. А. Гамбург, А. А. Аветисов, Д. Н.
Шамшетов, Н. К. Холбўтаев, Ш. Жўраев, О. К. С. Ада-
манов, А. Исаев, О. Ж. Маматова, М. А. Эгамбердиев,
С. Ғофуров қатнашдилар.

Депутатлар Олий Кенгашнинг республика давлат мус-
тақиллиги тўғрисидаги баёнотини қабул қилдилар. Те-
гишли қарорга мувофиқ Ўзбекистон ССРнинг номи Ўз-
бекистон республикаси деб ўзгартирилди. Мустақиллик
белгиланган кун — 1 сентябрь 1991 йилдан бошлаб
байрам куни деб эълон қилинди, бу кун дам олиш куни
ҳисобланади.

Олий Кенгаш модда-модда муҳокамадан сўнг Ўзбе-
кистон республикасининг давлат мустақиллиги тўғриси-
даги қонунини қабул қилди.

Сессия Ўзбекистон Президентининг фармонларини ва
Олий Кенгаш Раёсатининг баъзи ҳужжатларини тас-
диқлади.

Олий Кенгаш Ўзбекистон Президентининг «Республика
мустақиллиги куни муносабати билан амнистия тўғриси-
да»ги фармонини маъқуллади.

Сессияда Ўзбекистон республикасининг давлат байроғи
тўғрисидаги масала кўриб чиқилди. Депутатлар таклиф
этилган намуналарни манфаатдорлик билан ва ҳар томон-
лама муҳокама этганларидан сўнг конституциявий
комиссиянинг мутахассислар гуруҳига ушбу йўналишдаги
ишларни давом эттириш ва навбатдаги сессияга Ўзбеки-
стон республикаси давлат байроғининг нусхаларини тайёр-
лаш вазифасини топшириш тўғрисида қарор қабул қил-
дилар.

Шу билан навбатдан ташқари олтинчи сессия ўз иш-
тамомлади.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

ЎЗБЕКИСТОН РЕСПУБЛИКАСИНING МУСТАҚИЛЛИГИ ЭЪЛОН ҚИЛИНИШИ МУНОСАБАТИ БИЛАН АМНИСТИЯ ТЎҒРИСИДА

Ўзбекистон республикаси-
нинг мустақиллиги эълон
қилиниши муносабати билан
қарор қиламан:

1. Озодликдан маҳрум қи-
лиш ва озодликдан маҳрум
қилиш билан боғлиқ бўлма-
ган жазога ҳукм этилган
қуйидаги шахслар жазони
ўташдан озод қилинсин:

а) 60 ёшдан ошган эркек-
лар ва 55 ёшдан ошган аёл-
лар;

б) I ва II гуруҳ ногирон-
лари;

в) вояга етмаган болалари
бўлган ва ҳомиладор аёллар;
г) Улуғ Ватан уруши қат-
нашчилари ва уларга тенг-
лаштирилган шахслар.

2. 5 йилгача муддатга
озодликдан маҳрум қилишга
ёки озодликдан маҳрум қи-
лиш билан боғлиқ бўлмаган
жазога ҳукм этилган аёллар
жазодан озод қилинсин.

3. 3 йилгача муддатга
озодликдан маҳрум қилиш-
га ёки озодликдан маҳрум
қилиш билан боғлиқ бўлма-
ган жазога ҳукм этилган
вояга етмаган ўсмирлар жа-
зони ўташдан озод қилинсин.

4. Фармоннинг 1 ва 2-мод-
даларида кўрсатиб ўтилган
шахслар сургун ва бадарга
каби қўшимча жазолардан
озод қилинсин.

5. Фармоннинг 1, 2, ва 3-
моддалари таъсирига туш-
маган шахсларга ва оғир
бўлмаган жиноятлар учун
ҳамда эҳтиётсизлик натижа-

сида содир қилинган жиноят-
лар учун биринчи марта
судланганларга ўталмаган
жазо муддатининг ярми қис-
қартирилсин.

6. Терговда ва ҳали суд-
да кўрилмаган қуйидаги
барча ишлар:

а) ушбу фармон кучга
киргунга қадар фармоннинг
1-моддасида кўзда тутилган
шахслар томонидан содир
қилинган жиноятлар ҳақи-
даги ишлар;

б) ушбу фармон кучга
киргунга қадар фармоннинг
2-моддасида кўрсатилган
шахслар томонидан содир
этилган ва қонунда 5 йилга-
ча муддатга озодликдан маҳ-
рум қилиш ёки озодликдан
маҳрум қилиш билан боғлиқ
бўлмаган жазо белгиланиши
кўрсатилган жиноятлар ҳа-
қидаги ишлар;

в) ушбу фармон кучга
киргунга қадар фармоннинг
3-моддасида кўзда тутилган
шахслар томонидан содир
этилган ва қонунда 3 йилга-
ча муддатга озодликдан
маҳрум қилиш ёки озодлик-
дан маҳрум қилиш билан
боғлиқ бўлмаган жазо бел-
гиланиши кўрсатилган жи-
ноятлар ҳақидаги ишлар
ҳаракатдан тўхтатилсин.

7. Фармоннинг 1, 2, 3 ва
5-моддаларида кўрсатиб
ўтилган қуйидаги шахс-
ларга:

а) алоҳида хавфли давлат
жиноятлари учун, шунинг-

дек миллий ва ирқий тенг
ҳуқуқийликни бузганлик;
давлат сирини ошкор қил-
ганлик; бандитизм; ахлоқ
тузатиш меҳнат колониялари
фаолиятини издан чиқарувчи
хатти-ҳаракатлар; контра-
банда; оммавий тартибсиз-
ликлар; қалбаки пул ва
қимматбаҳо қорозларни яса-
ганлик; бандитизм; валюта
операциялари қондалари-
ни бузганлик учун ҳукм
қилинганларга;

б) алоҳида хавфли реци-
дивист деб танилганларга;

в) қасддан одам ўлдирган-
лик; қасддан оғир тан жаро-
ҳати етказганлик; милиция
ходими ёки халқ дружина-
сининг ҳаётига таъвоуз
қилганлик; айбни оғирлашти-
радиган ҳолатларда номусга
текканлик; давлат, коопера-
тив ёки жамоат мулкни
алоҳида йирик миқдорларда
талон-торож қилганлик; дав-
лат ва жамоат мулкни хо-
нага ёки мулк сақланадиган
жойга кириб ўғирлаганлик;
уйга кириб ўғирлик қилган-
лик; айбни оғирлаштирадиган
ҳолатларда талончилик,
босқинчилик; айбни оғирлаш-
тирадиган ҳолатларда таъ-
магирилик (рәкет); айбни
оғирлаштирадиган ҳолатлар-
да пора олганлик, пора бер-
ганлик, пора олиш ва бе-
ришда воситачилик қилган-
лик; ашаддий безорилик, ўта
ашаддий безорилик учун,
шунингдек Ўзбекистон

ССР жиноят кодексининг
209-2, 209-3, 210-1-
моддаларида; 213-модда-
сининг 2-қисмида ва 216-2,
216-3, 216-4, 216-5-моддала-
рида кўзда тутилган жино-
ятларни содир этганлик учун
жазога ҳукм қилинганларга;

г) қасддан содир этилган
жиноятлар учун бир неча
бор судланганларга ҳамда
фармон мазкур моддасининг
«а» ва «в» бандларида кўр-
сатилган жиноятлар учун
судланганларга;

д) аввал авф этиш ёки
амнистия туфайли жазодан
озод этилган ва яна қасддан
жиноят содир қилганларга;

е) алкоғолизм, гийҳванд-
лик ёки таносил касаллигига
қарши даволаш курсини тў-
лиқ ўтамаганларга;

ж) жазони ўташ даврида
режимни ашаддий бузувчи-
ларга нисбатан амнистия
қўлланилмайди.

8. Ушбу фармон эълон
қилинган кундан бошлаб куч-
га киради, фақат Ўзбекистон
ССР судлари томонидан суд-
ланган ва республика тергов
органлари томонидан жиноий
жавобгарликка тортилган
шахсларга татбиқ қилинади
ва уч ой ичида ижро этили-
ши лозим.

Ўзбекистон Республикаси
Президенти
И. КАРИМОВ.
Тошкент шаҳри.
1991 йил 31 август.

МУСТАҚИЛЛИК ТУҒИ ҲИЛПИРАМОҚДА

Ширин ҳис-туйғулар уммо-
нига тушиб қолдик. Неча аср-
лар давомида ўз эрки учун
курашиб, уни не-не босқинчи-
лар қўлидан қайтариб олиган
тупроғимизда яна мустақил-
ликнинг, озодликнинг қутлуғ
туғи мағрур ҳилпирамоқда.

Широк, Тўмарис, Спитамен,
Муқанна, Торобий, Темур Ма-
лик, Қурбонжон додхоқ синга-
ри аجدодларимиз руҳи бугун
шод бўлса, ажаб эмас.

Энди мустақил ҳаётнинг
ўзига яраша қувонч-ташвиш-
лари бошланади. Юрт фаровон-
лигини оширишнинг энг зару-
рий шартларидан бири — осо-
йишталик барқарорлигини таъ-
минлашдан иборат. Шунинг
учун мустақил давлат бошли-
ғи — Президентимиз чиқара-
диган Фармони Олийлардан
бирида халқимиз урф-одати,
табиати, диди ва ахлоқига тўғ-
ри келмайдиган бузуқликлар-
га, зўравонликка тўсиқ қўйи-
лишини истардим. Мен бу ўрин-
да мутлақо беназорат қолган
видеофильмларни, енгил ҳаёт
дардида ўлкамизга оқиб кела-
ётган дайдилар, фоҳишаларни
назарда тутайман.

Б. АҲМЕДОВ,
милиция сержанти.

ҲУРРИЯТДАН НИШОНА

Ўйлайманки, бугунга ке-
либ серкуёш Ўзбекистонимиз
тўла маънодаги мустақил-
ликка эга бўлди. Лекин бу
Ўзбек элининг асрларга тенг-
дош орузлари буткул рўёбга
чиқди, деган маънони бил-
дирмайди. Эндиликда бутун
куч ва имкониятни, ақл ва
фаросатни, билим ва маҳор-
атни ишга солиб, кутилма-
ганда бошимизга қўнган бахт
қушини тамоман ўзининики
қилиб олишимиз керак.

Назаримда бу мақсад йў-
лида ҳуқуқ-тартибот ҳимоя-
чилари зиммасига залворли
ва масъулиятли вазифа юк-
ланади. У ҳам бўлса, юрт-
дошларимизнинг тинчлиги-
га тўла маънода камарбаста
бўлиш, уларнинг эзгу ишла-
рига шарт-шароит яратилган
иборат. Биз шундай хизмат
қилишимиз кераки, оддий
фуқаролар бизга ишонсин-
лар, дардларини ҳам, қу-
вончларини ҳам биз билан
баҳам кўрсинлар.

Раҳмонали ҚУРБОНОВ,
Фарғона вилоятидаги Ки-
ров тумани ИИБ участка
вакили милиция катта лей-
тенанти.

ҚОИДАНИ БЎЗМАЙЛИК

Содир этилаётган транспорт ҳалокатлари тўғрисида қанчалик кўп ёзмайлик, барибир уларнинг сони камаймаяпти. Негаки биргина йўл назорати ходимларининг автоҳалокатлар олдини олишга қаратилган ишлари етарли эмас. Чунки йўл ҳарақати қоидаларига-риоя этиш етти ёшдан етмиш ёшгача ҳаммаининг бурчидир. Акс ҳолда...

Ильич тумани ИИБга марказий шифохонадан 1988 йилда туғилган Фозилжон Тўхтаевнинг тан жароҳати билан келтирилганлиги ҳақида хабар берилди. Милиция ходимлари Фозилжонни Волков номли давлат хўжалигидаги Улуғбек кўчасида 63-89 СИГ рақамли «ГАЗ-66» белгили машинани бошқариб бораётган Р. Пельоновни уриб юборганлигини аниқлашди.

Шу ўринда ҳар бир ота-онага ўз фарзандларини кўча-кўйда назоратсиз қолдирмаслик лозимлигини яна бир бор эслатиб ўтамиз.

Андижон вилоятининг Қўрғонтепа туманида истиқомат қилувчи, ҳеч жойда ишламайдиган Ф. Сиддиқов ўзига тегишли давлат рақамисиз «Восход-3-М» мотоциклида йўлга чиқди. Янгиер-Пахтаобод йўлининг 42-километрида йўл четида турган «МТЗ-80» тракторининг культивациясига келиб урилди.

1 август куни Волков номли давлат хўжалиги тракторчиси А. Сатторов ўзига қарашли 15-08 СИ рақамли «МТЗ-80» белгили тракторни бошқариб келаётганда Гулистон-Пахтаобод йўлининг 52-километрида йўл четига чиқиб ағдарилди. Анвар тан жароҳати билан касалхонага келтирилди.

Худди шундай ҳолат 3 августда Гагарин номли давлат хўжалигининг 6-бўлим тракторчиси Р. Усмонов томонидан ҳам содир этилди. У 41 — 94 СО рақамли «МТЗ-80» белгили тракторни бошқара олмай йўл четига қулади. Натижада ёнида ўтирган шу бўлимининг тракторчиси В. Сидоренко бир аҳволда туман касалхонасига юборилди.

Ф. МАЛИКОВ.


— Ҳадемай болаларнинг ўқиши бошланади. Бир уларни, хотининг ва онагни Наманганга олиб бориб, айлантириб кел. Мактабга кийим-бош, дафтар, қалам ҳам харид қиласан.

Шундай дея Маматюсуф ака ўгли Шералига «Москвич-412» автомашинасининг калитига нафақа пулини қўшиб тутқазди. Улар Наманган давлат педагогика олийгоҳи ёнида уловни қолдиришиб, дўкон айлангани кетишди. Қайтиб келишганда, машина йўқ эди. Шерали дарҳол милиция идорасига югурди.

Вилоят ИИБ ДАН бўлими бошлигининг ўринбосари милиция капитани А. Юсупов милиция катта лейтенанти А. Соипов билан «Қўлга олиш» операциясида қатнашар экан, барча постлар билан боғланди.

— Барча постларга! Мен, «Урал-2»! 1, 2, 3, 4, 5, маршрутлар беркитилсин. «Байкал», Сиз Уйчи, Янгиқўрғон йўлларини назоратга олинг.

Улар икки километрча



ТАШАККУР БИЛДИРАМАН

Ҳурматли рўзнома ходимлари, халқпарвар инсонлар! Мен 87 ёшга кирдим. Уч ўғлим, уч қизим, 40 дан ортиқ неварам, 12 чеварам бор. Қўплар қатори Улуғ Ватан урушида қатнашиб, Курск, Ленинград жангларида иштирок этдим. Ярадор бўлиб юртимга қайтдим. У йиллари очарчилик бўлса-

да, одамлар бир-бирларига оқибатли, ҳурмат-иззатли эдилар. Энди-чи? Нима ўнг келса ўғирлашяпти, ҳатто ўлдиршяпти.

4 август куни ўғлим Шерали рафиқам, келиним ва болаларини олиб, менга давлат томонидан берилган «Москвич-412» белгили машинада Наманганга жўнаш-

ди. Бироқ уйга келиб, уни куппа-кундузи ўғирлаб кетишганини айтишганларида да, сира ишонмадим. Шундай Намангандай шахр азимда-я?

Наманган вилояти ИИБ ходимлари Араббой Юсупов, Абдуманнон Соипов ва бошқаларнинг ғайрат-шижоати, тажрибаси, туфайли олиб-

— Машинани тўхтатиш керак. Марказга хабар беринг. Мен қочоқларнинг изидан бораман.

Араббой шундай дея машинадан тушиб қолдида, тепаликка югурди.

Далада ишлаётган икки йигит уни формада кўриб ишора қилишди.

— Ака, у макказорга кириб кетди. Ҳув, анаву жойга.

Араббой олибқочар чиқиши мумкин бўлган йўлни тўсди.

Ёрдамга етиб келган А. Соипов ва икки дехқон йигит иштирокида жиноятчи ушланди. У Уйчи туманидаги Ерқўрғон қишлоқ Шўросида яшовчи 22 ёшли Мусо экан.

Ундан уловни нега олиб қочганлиги ҳақида сўрашди. — Машинанинг сигнали ёқиб қолувди, — деб жавоб берди.

— Ҳайрият машинани сигнали ёқибди, агар поездни ки

ёқиб қолганда борми?

— Биз узоқдан автомашиналарни кўрдик. Сариқ рангли «Москвич» бирдан биз томонга бурилди. Тезлиги 100ларда. Бу ерда йўл йўқ-ку, деб улгурмаган ҳам эдик, бирдан қаттиқ тор-моз берди. Ичидаги йигит ўзини ерга отди, бир думалаб, ирғиб ўрнидан турди. Кейин макказорга кириб кетди, — дея ҳикоя қилишди икки йигит.

— Қонунбузарни ушлашда сизларнинг ёрдамингиз катта бўлибди, раҳмат, — дейишди бошлиқлар.

— Ёрдам бериш ҳамма-нинг вазифаси, — дейишди улар.

Н. МАМАЖОНОВ,

милиция майори. Суратларда: милиция майори Исомиддин Мамадалиев машина ўғирлангани ҳақида постларга хабар бермокда; олибқочарни макказорда туттиш пайти.



қочарлар тезда ушланиб, уловимиз зиён-заҳматсиз бизга қайтарилди. Онда аъзоларим номидан уларга, ИИБ раҳбариятига катта раҳматлар айтаман.

Мен ушбу миннатдорчилигимни рўзномангиз орқали уларга етказишнигизни сўрардим.

Маматюсуф ҒАФФОРОВ, Улуғ Ватан урушининг биринчи гуруҳ ноигрони, Наманган вилоятидаги Янгиқўрғон туманининг Новкент қишлоқ Шўроси.

қисмларини олиб келсанг, бас.

— Нималар деяпсан? Ахир, якшанбагача кута олмайман.

— Унда Алиқнинг маслаҳатини олиш керак.

Шундай қилиб улар «енг ичида» келишишди. Кечки пайт Собир Раҳимов туманининг Ойбек кўчасида жойлашган «Сезор» дўкони олдига боришди. Биров уйига, биров у-бу харид қилиш учун дўконга шошилади.

шу машина ҳисобига хонадон соҳиби машинасини бус-бутун қилишди-қўйишди. Бунинг учун уч ярим минг сўмни қуртдай қилиб санаб олишди.

— Ишонавер менга, — дея Карлсон Маҳмуднинг елкасига эркалаганнамо туртди. — Алиқ ишни пишириб қўйган. Эрта-индин сенинг «тойчоғинг» ҳам «гижинглайди».

Алиқ ҳам «ўғил бола» экан. 16 июнь куни Ленин тумани-

татиб, машина двигатели ва техник ҳужжатдаги рақамлар бир-бирига тўғри келмаслигини аниқлади.

Тошкент шаҳар ИИБда бу ишни ўрганиш терговчи милиция капитани А. Умаров зиммасига юклатилди. Дастлабки сўроқ пайтидаёқ Маҳмуд Карлсоннинг «ишбилармон»лигини фош этиб қўйди. Кейин Алиқ, сўнгра Гулистон шаҳрлик чилағгар Маъмур терговга жалб этилди.

эвазига В. Ғоиповга олам-олам қувонч ҳада этган. Бечора анчадан бери кузов тополмай юрган экан, роса хурсанд бўлди.

Хуллас, ўғирланган машиналар ҳисобига кўрсатилган «хотамтойлик»лар рўйхатини узоқ давом эттириш мумкин.

Гулистонлик Маъмур ҳам Карлсоннинг «уқувли» шогирдларидан бири. Алиқ, Владимир, Сатторлар машина ўғирлаб, уни ҳам «хомашё» билан таъминлаб турдилар. Агар ҳар икки уста фаолиятини қўшиб таҳлил этадиган бўлсак, 15 та автомобилни олиб қочиб, фуқароларга 138 минг 838 сўм зарар келтирганлар.

Начора, қилмиш-қидирмиш, дейдилар. Халқ суди ҳукми билан Александр Карлсон 4 йилга, Маъмур Набиев уч ярим йилга, Маҳмуд Каримов ва Фурқат Абдуллаевлар 2 йилга озодликдан маҳрум этилдилар.

Жиноятнинг бошқа иштирокчилари номларини атайлаб ўзгартириб кўрсатдик. Чунки уларни ҳозир қўлга олиш чоралари кўриляпти.

И. РАҲИМОВ, Тошкент шаҳар ИИБ ходими милиция майори.

З. ҒУЛОМОВ, ИИБ тергов бошқармаси бўлимининг бошлиғи милиция капитани.

УСТАСИ ФАРАНГ КАРЛСОН

— Анаву «тойчоқ»қа бир қара! — деб шивирлади Маҳмуд сал нарида турган «ВАЗ-2103» белгили чўғдек қизил «Жигули»ни кўрсатиб.

Ўзи эса тоғасининг машинасига қийнашгандек бордида, чўнтагидан бир неча калит чиқариб, эшикни очишга ҳаракат қилди. Кейин рулга ўтириб, машинани ўт олдириди. Карлсон ҳам унинг ёнида жой олгач, қизил «Жигули» олиб кетди.

Улар тўғри Тошкент туманига йўл олишди. «Ўзбекистон 50 йиллиги» жамоа хўжалигининг Навоий кўчасига бурилиб, Фурқат истиқомат қиладиган уйга киришди. Кейин

нинг Миробод кўчасидан Бахтиёр Раҳмоновга қарашли машинани ўғирлаб келди. Эртаси куни бу машина ҳам «калла-поча» қилинди. Оғзи қулоғига етган Маҳмуд Карлсонга нақд 4 минг сўм тутқаздида, пачақланган «ВАЗ-2103» ўрнига «ВАЗ-2106» белгили машинани уйига қараб елдириб кетди.

— Мен шундай иш қиламанки, — деб керилган эди Карлсон, — «урчитилган» машинадаги тафовутни «манаман» деган инспектор ҳам сезмайди.

Афсуски, у катта кетган экан. 20 ноябрь куни Маҳмудни ДАН инспектори тўх-

Бора-бора уларнинг гумашталари Владимир ва Сатторлар ҳам терговчи ҳузурига «таклиф» этилди.

Маълум бўлишича, бу гуруҳ Карлсон кўрсатмалари асосида ҳаракат қилган. «Қўли гул» уста эса ўтган йил март ойида 4 минг сўм эвазига фуқаро Содиқовнинг ҳожатини чиқарган, яъни ўғирланган машина кузовини унинг пачақланган автомобилга қўйиб берган.

Май ойида фуқаро Абдуллаевнинг автомобилни ўғирланган «Жигули» кузови билан безаб берган ва 4 минг сўм олган.

Август ойида эса минг сўм

Ўтган йилнинг ёз ойларида тарқалган мудҳиш хабарни Ўзбекистон туманида эшитмаган одам қолмади. Ҳамманинг оғзида шу гап: «Расулжон отаси билан муштлашибди. Ҳозир Ҳамидбой касалхонада эмиш, ахvoli анча-мунча оғирмиш!»

Орадан икки кун ўтгач, бу миш-миш янада дахшатлироқ бўлиб «янгилади»: «Ҳамидбой бандаликни бажо келтирибди...»

Энди бу воқеани ҳамма ўз ҳолича муҳокама қила бошлади. Баъзилар отасига мушт дўлайтирган ўғилни дўзахликда айбласа, баъзилар Ҳамидбойнинг ўзи ҳам кейинги пайтларда инжиқ ва жанжалкаш бўлиб қолганини ранж билан гапирарди. Бу орада дастлабки тергов ҳаракатлари тугалланиб, айбланувчи ва гувоҳлар, бу ишга заррача алоқаси бўлганлар Нурсух қишлоқ Кенгаши жойлашган биного йиғилдилар.

Туман халқ суди мажлисига раислик қилувчи М. Рўзиева судланувчига нисбатан айблов фикрини ўқиб эшиттирди.

... Ҳамид Қорабоев ўғилларидан бири Афғонистон тупроғида ҳалок бўлгандан кейин анчагина асабийлашиб қолгани рост. Худа-беҳуда жанжал чиқарар, арзиманган нарса учун оила аъзоларининг дилини тез-тез

хуфтон қилиб туриши ҳам тўғри. Ҳаттоки, ўша кунни ота ва ўғли орасидаги келишмовчилик ҳам тўсатдан ва яна арзиманган нарсдан бошланади.

— Сенлар менга қарамайсанлар, мана, нарвондан йиқилиб тушдим! — деди Ҳамид Қорабоев ва ошхонадан чиқётган турмуш ўртоғи

— Энди даданга бас келиб бўлмайди, қоч бу ердан! — деди.

Расулжон томорқага қараб юра бошлади. Лекин кечикканди. Бу пайтда отаси югуриб уйдан болта олиб чиққан ва ўғлига титраб-қақшаб яқинлашарди.

— Сен отабезорини энди ўлдирмаман!

СИЗ НИМА ДЕИСИЗ?

КИМ АЙБДОР?

нинг юзига шалалоқ тортиб юборди. Хайринисо опа кутилмаган зарбдан чайқалиб кетди ва ўтириб қолди. Буни кузатиб турган Расул яна онасига ҳезланаётган отанинг йўлини тўсди.

— Қўйинг, дада, нима кераги бор, ҳамманинг татбини тирриқ қилишни!

Лекин ота бу пайтда унинг гапини тўғри тушунадиган, инсофга келадиган ҳолатда эмасди.

— Ҳе, ўша сени!.. — дея бўралаб сўкканча ўғлига ёпишди. Даҳанаки жанг муштлашувга айланди. Юмюм йиғлаётган онаизор бу тўполонда нима бўлаётганини пайқашга улгурмади. Фақат эрининг пиллапояга гурсиллаб йиқилганини кўрди, холос.

— Ҳа, у мени ростдан ўлдирмоқчи эди, — деди Расулжон ўзига сўз берилгандан кейин. — Эпчилик қилиб, унинг қўлидаги болтани ушлаб қолдим. Олдин ўзимга тортидим. Бермади. Кейин силтаб юборгандим, орқа томони билан асфальт йўлакка йиқилиб тушди...

СУД-ТИББИЕТ ЭКС-ПЕРТИЗАСИ ХУЛОСАСИ-ДАН: марҳум бош мия суяги сийиб, қон қуйилиши натижасида ҳалок бўлган. Кўзи, кўкрак қафаси, ўнг билагининг юқори қисми, чап билагининг пастки қисми, ўнг оёғи тиззаси кўкарган, 3-, 4-, 5-, 6-қовурғалари ёпиқ ҳолда синган.

Шундай қилиб судланувчига қўйилган айб ўз тасдиғини топди. Бу айб

ЎзССЖ жиноят мажмуасининг 88-моддаси «А» банди билан ҳамоҳангдир.

Ҳукм чиқариш пайтида воқеаликнинг оғирлаштирувчи ва енгиллаштирувчи томонлари ҳисобга олинди. У отасига қасддан тан жароҳати етказган бўлсада, бу ишни ўзини ва онасини ҳимоя этиш ниятида амалга оширган. Қолаверса, муқаддам судланмаган, иш жойидан ва маҳалла қўмитасидан енгиллик бериш тўғрисида талабнома киритилган.

ҲУКМ

Қорабоев Расулжон Ҳамидович ЎзССЖ ЖМнинг 88-моддаси «А» банди билан айбдор деб топилсин ва шу моддага мувофиқ муддати 3 (уч) йилга озодликдан маҳрум этилсин, ЎзССЖ ЖМнинг 43-моддаси қўлланилиб, тайинланган жазо шартлига ҳисобланиб, 3 йилга синов муҳлати белгилансин...

СЎНГИ СЎЗ: жиноят содир этилди ва суд ҳукми ўқилди. Судланувчининг ахлоқини назорат қилиб бориш Ўзбекистон тумани ИИБга юклатилган бўлсада, ҳар ҳолда Расулжон озодликда қоладиган бўлди. Лекин барибир ҳаёлимда чарх урадиган турфа фикрлар бисёр. Айб марҳум отадами ёки тирик ўғилдами? Ҳозирча бунга жавоб топа олмаппман.

Алп ЭРДОН.

ИНСОН НОМИ

ҲАЙФ УНГА

У қилмишига яраша ўн кеча-кундузлик жазо муддатини ўтаб чиққач, кўнгил ёзмоқчи бўлди. Кўршапалак қоронғуликка интилгани каби унинг оёқлари ҳам пивохонага олиб борди. Дарров улфатлар ҳам топила қолди. Ёзининг иссиқ кундаги муздек пиво уларнинг танасига ҳузур-ҳаловат бағишларди. Алжираб-алжираб ичишди, бурқситиб-бурқситиб чекишди. Кейин узоқ хайрлашди. Ниҳоят, Бахтиёр сархушликдан ўзини чинакам бахтиёр сезганича автобекатга қараб йўл олди. Автобусга чиптасиз чиқиб олди. Овозининг борича гоҳ унга, гоҳ бунга бақириб, ҳаммани безор қилди. Насихат қилганлар бўралатиб сўкиш эшитдилар. У тушиб қолгандагина: «Афтинг қурсин, ароқхўр!» — дея уф тортиб, ўзларини енгил ҳис қилишди.

Бахтиёр эса энди шаҳарнинг одамлари гавжум кўчалари бўйлаб овозини ванг қўйиб, хиргойи қилганча гандираклай бошлади. Утган-кетган қиз-жувонларга гап отар, орқаларидан еб қўйгудек сўқланиб боқарди.

Қиз-жувонлар эса қўрқувдан қадамларини тезлатар, анча узоқлашиб олгач: «Кўзинг ўзингни есин, нолуссиз!» — деб қарғашарди. Лекин бу Бахтиёрнинг қитиқ-патиға тегмас, аксинча хоҳлаб куларди. У шу алфозда кўп юрди, ниҳоят, уйига яқинлашиб қолди. Қараса, қўшнисининг Н. исмли қизчаси кўчада ўйнаб юрар, аксига олиб ён-атрофида ҳеч ким кўринмасди.

Бахтиёр бир муддат унга термулиб қолди. Кайфининг зўридан юмилиб бораётган кўзлари мошдек очилди. Яна қизчага сўқланиб қарадида, қақирди.

— Ҳой, ширин қиз, бу ёққа кел, бир нарса бераман!

Бола-болада, чопқиллаб кела қолди. «Нима берасиз!» — деб бижиллаб сўради. У эса ҳайвоний ҳирс билан титраганча илондай аврай бошлади.

— Сенга катта қўғирчоқ олиб келганман, юр бизникига, — дея жажоки қўлчаларидан тутди. Кейин ўзининг ҳовлисига бошлади. Ҳеч ким йўқлигидан севинди. Шаҳват ўтида ҳансираганча қизчанинг белидан даст кўтариб, ошхона ичига олди...

Яқинда туман халқ суди Бахтиёр Эргашевни ЎзССЖ ЖМнинг 96-моддасига асосан 5 йил муддатга озодликдан маҳрум этди. Лекин бу ҳам ҳолва.

— Ҳайвон ҳам ўзига раво кўрмайдиган ифлосликни раво кўрди ўзига, — дейишяпти маҳалла аҳли. — Минг лаънат бўлсин унга!

Нишон МЕЛИЕВ,
«Поста»нинг жамоатчи муҳбири.



Бўка тумани ички ишлар бўлимининг қўлга олиш гуруҳи доимо сергакликда турибди. У халқнинг осойишталигини сақлашга катта ҳисса қўшмоқда. Бу гуруҳга туман ИИБ бошлиғининг оператив ишлар бўйича ўринбосари милиция капитани Файзулла Жониқулов, жиноят қидирув бўлими ходими милиция катта лейтенанти Пўлат Сазанбоев, участка катта инспектори милиция ка-

питани Сайдулла Шералиев, участка инспекторлари милиция капитани Сайдулла Едилбоев, милиция лейтенанти Иброҳим Каримов, милиционер-ҳайдовчилар милиция сержантлари Маъмур Раҳмонқулов, Турғунбой Қурбонлар кирган.

СУРАТЛАРДА: қўлга олиш гуруҳи йўлга тушди; хавфли кимса қўлга олинди.

Ҳабибулла ШОДИЕВ олган суратлар.



МАЖБУРАН ЮБОРИЛДИ

Фарғоналик Николай Чуриков турмуш ўртоғи Клавдия Патина билан ичмаган ичимлиги қолмади. Ароқ, самогон, одеколон, техник спирт ва яна нима кайф берса, ҳаммасини тоғиб кўришди. Сал қизишиб олишдими бас, шунақанги «даб-дабали» жанжаллар кўтаришадик, асти қўверасиз. Болохонадор сўкишларини эшитиб, гоҳо ким кимнинг гўрига яшиқ қалаётганини ҳам билмай қоласиз. Қўни-қўшниллар ҳам болалари олдида уятдан ер ёрилсаю кириб кетявса.

Мана, ниҳоят Фарғона шаҳар халқ суди бу эр-хотин шинадошлар устидан ҳукм чиқарди. Кайф-сафо бандилари ЎзССЖ Олий Кенгаши Ҳайъатининг 1989 йил 25 май Фармонига мувофиқ бир йилга мажбурий даволашни учун Самарқанд вилояти наркология шифохонасига жўнатилди.

Қўни-қўшниллар эса ўн йилга кетишса ҳам сира хафа бўлмасдик, дейишмоқда.

А. АҲМЕДОВ

РЎЗНОМАДА БОСИЛМАДИ, АММО...

Янгидан гуруҳ тузилди

Таҳририятимизга Наманган шаҳрида истиқомат қилувчи Маъсуда Раҳимовадан мактуб келди. Уқиб кўрдик. Муаллиф шу йил 24 апрель кунни уйига ўғри тушганлиги, лекин ИИБ ходимлари бунга совуққонлик билан қараганлиги ва шу сабабли жиноят ҳанузгача очилмаганлиги хусусида шикоят қилганди.

«...Орадан икки ҳафта ўтгач, қўшнимнинг уйда ҳам ўғирлик содир этилди. Бу ерга милиция ходимлари кўпчилик бўлиб келишди. Гувоҳларни диққат билан тинглашди. Ҳатто исковуч итти ҳам ишга солишди. Шу туфайли кечқурун-гача ўғри топилди.

Афсуски, менинг уйимда бундай қилиш ҳаёлларига

ҳам келмади, менимча, ҳафсала қилишмади...» дейилади шикоятнинг давомида.

Биз ана шу мактубни текшириш ва агар мақбулланса, чора кўриш учун Наманган вилояти ички ишлар бошқармасига юбордик. Яқинда эса бошқарма раҳбарларидан жавоб хати олди. Унда эътироф этилишича, чиндан ҳам 24 апрель кунни шаҳарнинг Совет туманида истиқомат қилувчи Маъсуда Раҳимованинг уйда ўғирлик содир бўлган. Бу ишни очиш ва охирига етказиш билан етарли даражада шуғулланилмаган. Шу сабабли тегишли чора кўрилди.

Ўғирларни топиш мақсадида янгидан оператив-тергов гуруҳи тузилди.

